

# УДАРНИК

## Колхозник'ёслэн обязанностьсы

### Сельскохозяйственной артельлэн уставезлэн 17-тй, 18-тй пункт'ёсыз

17. Артельлэн вань член'ёсыз асьелэсь колхозной собственностысь нэ, соослэн бусыязы ужась государственной машинаосыз туж умой утялтыны кыл сёто. Уставлэн куремез'я, общей собранилэн но правленлэн пунктэмзя честно ужаны, внутренней распорядоклэн правилоосыз'я, соос вылэ бригадирен но правленнен сётэм уж'ёсыз но общественной обязанностьёсыз ас дырыз'я но ужанлэсь дисциплиназэ чурт-чурт быдэс'яны кылзэс сёто.

Общественной имуществоез сантэмаса со шоры кузёясыкытэк учкон понна, уважительной причинатэк ужаны потымтэ понна, урод ужам понна но трудовой дисциплиназэ но уставлэсь мызон азьёсэ но куашкат'ям (нарушить карем) понна, внутренней распорядоклэн правилоосыз'я виновной луисьёс вылэ правление взыскание понэ, кылсарысь: урод ужам ужез понна чик трудо-день гожтытэк сое вылысь ужатон, предупредить карон, выговор сётон, общей собраниян порицание сётон, съод пул вылэ гожтон, вить трудоденёз штраф понон, улй уже поттон, ужлэсь ог вадеслы палэнтон.

Куке нош артельлэн воспитать но наказать карон пумысь вань кутэм амал'ёсыз, артельлэн куд-ог шонертыны луонтэм член'ёсызлы па'да-тэм кыле ке, соку правление артельлэн сыче член'ёсыз сярсы общей собрание азе соосыз артельысь куштон сярсы вопрос пунктэ.

Артельысь куштон сельскохозяйственной артельлэн уставез'я, 8 пунктын тупатэм'я мынэ.

18. Котыкыче общественной колхознойно государственной собственностез лужкан'ёсыз, артельлэсь тырлыкэ но пудозэ но МТС-ысь машинаосыз тус-тас карон'ёсыз (вредительское отношение) колхозлэн общей уезлы изменаен но калыклэн тушмон'ёсызлы юрттысь луись уж кад артелен учкиське.

Таке мурт'ёс колхозной стройлэсь основазэ преступно куашкатысь луиса, рабоче-крестьянской государствовлэн закон'ёсызлэн вань строгостьёсыз,я наказание сётон понна, артель соосыз судэ сётэ.

## Сюрес бордын ужасьёслэн сове- щаниысьтызы

28 декабре сюрес бордын ужась десятник'ёслэн, дорожной мастер'ёслэн, бригадир'ёслэн, сельдор. уполномоченнойёслэн, стахановец'ёслэн но ударник'ёслэн совещанизы ортчиз. Та совещаниын обсуждать каризы, кызы колхоз'ёс быдэс'яло толалтэ сюрес лэсьтон планзэс.

Сюрес уж бордын умой ужало Ст-Моньинской сельсоветысь колхоз'ёс, нюлэс но гравий дасынын умоесь показательёс возматэ. Ильинской сельсоветысь „Безбожник“ колхоз (председателез Сахаров) толалтэ сюрес лэсьтон планзэ 100 процентлы тырмытйз. Озы ик умой ужало „Дружный“ но Калининлэн нимыныз нимама колхоз'ёс.

Уноез колхоз'ёслэн председательёсы сюрес лэсьтонэз самотеке лэзизы, чидянтэм урод ужало: „Победитель“, „1-й август“, Ленинлэн нимыныз нимама колхоз, „Вильгурт“, „Кр-яр“, „Красная Звезда“, Мошкино но мукет'ёсыз колхоз'ёс. Вылй верам кол-

хоз'ёс толалтэ сюрес лэсьтон планзэ туж ожит процентлы быдэстйзы.

„Красная Звезда“ колхозлэн председателез Чиков сюрес лэсьтон планзэ быдэстон сярсы трос пол кылзэ сёт'яз, озы ке но сётэм кылзэ уж вылын оз быдэсты.

Толалтэ сюрес лэсьтон планзэ тырмытон борды по-большеvistски куткыса, одйг нунал но жегано двёл. 1939 ар-ын сюрес ужын умой ужась колхоз'ёслы, умой показательёс иметь карисьёслы 3000 манет коньдон вис'ямын. Сюрес ужын первенство басытон понна, вань колхоз'ёслы соц. соревнование пыриськоно.

Бере кылись колхоз'ёслы умой ужась колхоз'ёслэсь примерзэс басытыса но соослэн опытсы вылын ужаса, толалтэ сюрес лэсьтон планзэ дырызлэсь азыло тырмытоме. **Марков.**

## Валэктон уж ляб пунктэмын

Ср-Кечевской сельсоветысь „Юлтош“ колхозысь колхозник'ёс но колхозницаос Всесоюзной переписьлэсь нуналзэ ваньмыз уг тодо но.

Али бордгазет'ёслэн редактор'ёсылы тужгес ик газет пыр возматыны кулэ вал переписьлы дасыськонлэсь мынэмзэ но та ужын ужаны вис'ям мурт'ёслэсь ужайзэс.

Колхозын бордгазет поттон вунэтэмын, редакторез Кококов бездействовать каре.

Всесоюзной переписез ортчытыны инструктажэ Ботин но Бызгин ветлызы, нош соос переписьлэсь значенизэ колхозник'ёслы тырмыт уг валэкто. Тросэз колхозник'ёс уг тодо на Всесоюзной переписьлэсь кутскон нуналзэ. **Бугрышев.**

## „Трудовой отличие понна“ медалез учредить карон сярсы

СССР-лэн Верховной Советэзлэн

Президиумезлэн

УКАЗЭЗ

1. Учредить кароно „Трудовой отличие понна“ медаль.
2. „Трудовой отличие понна“ медаль сярсы Положениез, солэсь рисунокэ но описанизэ утвердить кароно.

СССР-лэн Верховной Советэзлэн Президиумезлэн  
Председателез **М. КАЛИНИН**СССР-лэн Верховной Советэзлэн Президиумезлэн  
Секретарез **А. ГОРКИН**Москва, Кремль.  
27 декабре 1938 арын.

## „Трудовой отличие понна“ медаль зярсы ПОЛОЖЕНИЕ

1. „Трудовой отличие понна“ медален награждать карисько рабочийёс, колхозник'ёс, служащейёс, инженерно-технической но хозяйственной работник'ёс, транспорт'ысь, строительствосысь, вузкариь но кооперативной организациосысь, культурной но научной учреждениосысь работник'ёс выдающейя ударной ужзы понна, наукаез, техникаез но культураез развить каронын вылй производственной показательёсы но заслугаоссы понна.

2. „Трудовой отличие понна“ медален награждать каре СССР-лэн Верховной Советэзлэн Президиумез.

3. „Трудовой отличие понна“ медаль нуллыське мблялэн паллян палаз.

4. „Трудовой отличие понна“ медален награждать карем'ёслы государство счetyсь тыриське толэзлы 5 манет.

Коньдон тырон ортчытыське сберкассаосын СССР-лэн вань территория вылаз.

5. „Трудовой отличие понна“ медален награждать карем'ёс лично пользоваться карисько СССР-лэн вань город'ёсаз трамвайын дунтэк ветлонэн.

6. „Трудовой отличие понна“ медальлэсь лишить карыны быгатэ СССР-лэн Верховной Советэзлэн Президиумез гинэ.

7. „Трудовой отличие понна“ медален награждать карем адыми сое нуллоно луэ честен, государственной обязанностьёсэ быдэс'якуз добросовестностьлэн но аккуратностьлэн примеренызы служить кароно луэ.

СССР-лэн Верховной  
Советэзлэн Президиумезлэн  
Председателез **М. КАЛИНИН**.СССР-лэн Верховной  
Советэзлэн Президиумезлэн  
Секретарез **А. ГОРКИН**.Москва, Кремль.  
27 декабре 1938 ар.

## „Трудовой отличие понна“ медальлэн ракчияк

О П И С А Н И Е З

Медальлэн формаез котырес, медальлэн вылыз кыкнапалыз ик чиялысь, медальлэн дур'ёстйз ободокез вань.

Медальлэн азыпал вылаз лэсьтэмын сюрло но молот, соос горд эмален шобыртэмын но висказы выпуклой бугваосын гожтэмын: „СССР“.

Круглэн уллал локетаз эмален шобыртэм вдавленной бугваосын кык чурен гожтэмын „Трудовой

отличие понна“.  
Круглэн мукет палаз шор люкетаз выпуклой бугваосын гожтэмын „СССР-ын труд—честьлэн ужез“.

Круглэн улйяз пунктэмын медальлэн номерез.

Ушок но кульчо но металлической планка вамен медаль герзаське куинь сэрэг'ем пластинкаен, кулйз шобыртэмын муаровой горд лентаен.

Медаль азвесь.

## „Трудовой доблесть понна“ медаль учредить карон сярсы

СССР-лэн Верховной Советэзлэн  
Президиумезлэн  
У К А З Э З

1. Учредить кароно „Трудовой доблесть понна“ медаль.
2. „Трудовой доблесть понна“ медаль сярсы Положениез, со- лесь рисунокэ но описаниез утвердить кароно.

СССР-лэн Верховной Советэзлэн Президиумезлэн  
Председателез М. КАЛИНИН.

СССР-лэн Верховной Советэзлэн Президиумезлэн  
Секретарез А. ГОРКИН.

Москва, Кремль.  
27 декабря 1938 арын.

## „Трудовой доблесть понна“ медаль сярсы П О Л О Ж Е Н И Е

1. „Трудовой доблесть понна“ медален награждать кариско рабочийёс, колхозник'ёс, служа- шойёс, инженерно-технической но хозяйственной работник'ёс, транс- портлэн, строительстволэн, вуз- карис но кооперативной органи- зациослэн, культура но наука уч- реждениослэн работник'ёсы, куд' ёсыз асьсэлэн самостоятельной трудовой ужазы луо социалисти- ческой строительство понна перед- вой борец'ёсын, возматотехни- каез стахановски использовать кар- ронлесь образец'ёсэ но сёто труд- лэн производительностезлесь выли нормаосэ, азылань нуо наукаез, техникаез но культураез развивать каронэз.
2. „Трудовой доблесть понна“ медален награждать каре СССР-лэн Верховной Советэзлэн Президиум- ез.
3. „Трудовой доблесть понна“ медаль нулльське мёлялэн паллян палаз.
4. „Трудовой доблесть понна“ медален награждать карем мурт'ёс- лы государство счесь тыриське

толэзылы быдэ 10 манет.

Коньдон тырон ортчыйське сберкассаосын СССР-лэн вань тер- ритория вылаз.

5. „Трудовой доблесть понна“ медален награждать карем'ёс поль- зоваться кариско личной правоен СССР-лэн город'ёсэз трамвайёсын дунтэк ветлыны.

6. „Трудовой доблесть понна“ медалельсь лишить карыны быгатэ СССР-лэн Верховной Советэзлэн Президиумез гинэ.

7. „Трудовой доблесть понна“ медален награждать карем'ёс асьсэ- лесь гражданской долгзэс быдэс' янын служить кароно луо созна- тельностьлэн примереныз, государ- ственной обязанностьёсэс быдэс'ян дыр'яз добросовестностьлэн но ак- куратностьлэн образцыны луыны.

СССР-лэн Верховной Советэзлэн Президиумезлэн Председателез  
М. КАЛИНИН.

СССР-лэн Верховной Советэзлэн Президиумезлэн Секретарез  
А. ГОРКИН.

## „Трудовой доблесть понна“ медальлэн вакчиак О П И С А Н И Е З

Медальлэн формаез котырес, ме- дальлэн вылыз кыкнапалыз ик чи- лясь, медальлэн дур'ёстиз ободок- ез вань.

Медальлэн огпал вылаз круглэн выли локетаз расположить каре- мын вить сэрего выпуклой звезда, кудиз покрыть каремын горд эма- лен, со вылын азвесь сюрло но мо- лот.

Звездочка улын кык чурен го- жтэмын: „Трудовой доблесть пон- на“. Надпись лэсьтэмын выдавлен- ной букваосын, соос покрыть каре- мын горд эмален.

Круглэн улапал локетаз вы- пуклой букваосын г о ж т э м ы н „СССР“.

Медальлэн мукет палаз круглэн центральной локетаз выпуклой букваосын гождтэмын: „СССР-ын труд—честьлэн уез.“

Круглэн улапал локетаз пуктэ- мын медальлэн номерез.

Ушко но кульчо но металличе- кой планка вамен медаль герзась- ке треугольной пластинкаен, ку- диз шобыртэмын муаровой горд лентаен.

Медаль азвесь.

## Кутсаськон быдэстэмын

Кечурской сельсоветысь „Вишур“ колхозлэн азыло председателезлэн Ивановлэн кивалтэмез'я колхоз ку- ашкан калэ вуиз. Иванов колхозэз организационно-хозяйственной юн- матон понна чик ёз сямаськы, трудовой дисциплинаез куашкатиз.

Та колхоз али дыре хозяйствен- но-политической уж'ёс'я, сельсо- вет'я нырысь инты басьтэ. Кутса- ськон 297 гектар вылысь кутсаса быдэстэмын, ю киды тырмымон кистэмын. Государстволы етин мертчан сдывать каронлэн планэз 18 центнер, сдывать каремын—13 центнер. Кылемэз но етин мертчан сдывать каронзэс та матысь нунал' ёсы быдэстозы. Годовой нюлэс дасян но вортон план 90 процент- лы быдэстэмын.

Колхоз Владимиров эшлэн по- большевистски кивалтэмез'я, нуна- лясь-нуналэ выль азинскон'ёс ба- сьтэ.

Сельсоветлэн председателез Ми- хайлов „Вишур“ колхозлэсь ужан методзэ, мукет колхоз'ёслы пере- давать карон понна, ляб сямась- ке. Та сельсоветысь „Дружный“ но „Путь к социализму“ колхоз'ёс кутсаськонлэсь планэз ёз на бы- дэстэ. Нош райзо но райисполком сельсовет председателезлэсь уж- амзэс чем дыр'я контролировать карыны вунэтэ.

Кечур сельсоветысь вань кол- хоз'ёслы „Вишур“ колхозлэсь при- мерзэ басьтыса ужано.

В. Ф.

## Чошатскыса дышетскыны өтё

Ми, Гожницкой МТС-ысь трак- торной курсын дышетскысьёс, ась- мелэн общей собраниямы обсудить карим тракторист'ёслэн азызы сы- лись уж'ёсты азыланьзэ быдэс'ян сярсы мероприятисты.

Партия но правительство социа- листической сельской хозяйствоез юнматыны но квалифицированной работник'ёсын обеспечить карон понна дугдылытэк сямасько. Ми, курсант'ёс, асьмелэсь курсмес быд- тыса, действительно квалифициро- ванной работник'ёсын мед луомы, Сталин эшлэсь 7-8 миллиард пуд нянь басьтон лозунгзэ ужвылын осуществить карисьёс мед луомы.

Курсы азымы сылсь уж'ёсты успешно быдэстон понна, соцсо- ревнование пыриськыса, Кечевской МТС-ын дышетскысь тракторист'ёс- ты чошатскыса дышетскыны ётиськом но асьме вылэ та'ёсэс обязательство басьтыськом:

Курсэз умой быдэстыны понна, курсант'ёс пöлын юч дисциплина луыны кулэ, та понна занятие опоздать но одйг прөгул но лэсь- тоно ёвёл. Курсэн кивалтисьлэсь

вань указаниосэ дыраз быдэс'яно.

Успеваемостьлы отметка хорошо но отлично гинэ басьтоно, преподавать карем предмет'ёсын хоро- шо но отлично отметкаос басьты- ны, 3-4 час самостоятельно гуртын дышетсконо.

Дышетскымтэ дыр'я курсант'ёс пöлын беседасс ортчый'яно, газет лыдзон но мукет массовой уж'ёс организовать кароно, та понна ди- ректорлэсь заместительзэ агита- торен но выль газет'ёсын обеспе- чить карыны куруно.

Кур эз потыку дышетскемез вань предмет'ёсын хорошо но от- лично сдывать карон вылысь, кур- сант'ёс кустын соцсоревнованиез паськыт ёдлмытоно, соцсоревнова- ние вань курсант'ёслы пырисько- но.

Соцсоревнованилэсь результатэс каждой толзэе проверить кароно. Талэсь результатэс районной но бордгазет пыр возматано.

Общей собранилэн косэмез'я курсант'ёс: Герасимов, Краснов, Алексеева.

## Мултэсэн быдэстэмын

М-Пургинской районной лесхоз аслэсьтыз 1938 арлы годовой зада- ниез мултэсэн быдэстиз. 1938 арлы сётэм финплан 26 декабрьзэ 151 процентлы, нюлэс культураос мер- тон—102, нюлэс кизён—112 но пи- томникаез будэтон—120 процентлы быдэстэмын. Кыз но пужым кидыс бичан 116—процентлы, кизытэк потэм кыз'ёсты но пужым'ёсты уялтон—103 процентлы тырмытэ- мын. Озы ик 1939 арлы лесосек 100 процентлы вандылэмын.

Ср-Кчевской сельсоветысь лес- ник Л. Тепин, М-Пургинской лесхоз- лэсь пöртэм лесокулэ ураосты мер- тон'я годовой планэз 70 процен- тлы быдэстиз. Солэн обходаз нюлэ- эс умой состояниын, нюлэс лушка- сьёсын юн нюр'ясыкыз, 1938 арын одйг мурт но солэн обходаз лесо-

нарушитель ёз луы.

Умой ужамез понна Л. Тепин эшез М-Пургинской райлесхоз об- ёзчике дышетскыны курсэ ыстэ.

Таин артэ ик лесхозлэн трос ты- рмытэ интыосыз вань. Районысь вань организациосты, колхоз'ёсты но колхозник'ёсты пуэн но строи- тельной лесоматериалэн обеспечить карон урод пуктэмын вал, колхоз- ник'ёс, колохоз председателез ню- лэс выкупать карыны трос пол вет- тлылыса но басьтыны ёз быгат'ялэ.

Нош единоличник'ёслы нюлэс вуза- ны шедиз, пуэн спекулировать кар- ризы. Лесничей П. Камаев та'че ужез адзымтэ улын улйз, спекулян- т'ёслы повод сётиз.

Иванов.  
Гаврилов.

## Али но дась ёвёл

К-Демьянской сельсоветысь „Виль гурт“ колхоз 1938 ар- ын басьтэм урожайлэсь до- ходзэ распределить каронлы ляб дасясыкыз, учет-отчетность чидантэм урод.

Бригадир'ёс М. Князев но А. Максимов эш'ёс юэмлэсь уг ваньмыло, асьсэ понна ве- меос лэсьтыло, колхозник'ёс- лэн ужамзы понна октябрь но ноябрь толзэёслы трудо- д е н ь начислять карымтэ, стеной табеле поттымтэ.

Колхозник'ёслэн трудодень сярсы калляськонзылы кол- хозлэн учетчикез К. Колесни- ков ответ сётыны уг быгаты. Озы ик одйг трудоденьлы нянь кбня люкиськыны шедён колхозник'ёслы тодмо ёвёл.

Сы'че ик уж „Коммунист“ колхозын, трудодень колхоз- ник'ёслэн трудовой книжка вылазы гожд'ямын ёвёл. Сче- товод П. Пестерев годовой отчетлы дась ёвёл, 1938 ар- лэн урожаез лыдэ зеч бась- тымтэ на.

Колесников.

## Ремонтэз асьсэос

### Жегато

Кчевской МТС-ын 52 трак- тор, та трактор'ёс гужем ва- ньмыз ик уже кутэмын вал, тракторлы быдэ 2 адыми ужаз. МТС-ын али ремонт мынэ, данакез тракторист'ёс ремон- тэ уг лыкто, ваньмыз 36 мурт гинэ ужало.

МТС-лэн дирекциез ремонт бордын ужась тракторист'ёслы кулэ условиос ёз кылдыты, мастерскойын кезыт, нош утеплить карон понна, дирек- ция номыр но куаретытэк улэ.

Дирекцилэн та'че безответ- ственностез трактор'ёсты но мукет сельскохозайственной машинаосты дыраз ремонти- ровать каронэз жегатэ, туэ арын выли урожайность бась- тон понна сямаськымтэз возматэ.

Батров.

Редактор Г. М.—ИВАНОВ.

Поттись РАЙИСПОЛКОМ